

疆 楚 藝 圃

西麓繼周集目錄

瑞龍吟

風流子二

華胥引

意難忘

宴清都

蘭陵王

瑣窗寒

隔浦蓮近拍

蘇幕遮

早梅芳二

四園竹

驀山溪

側犯

齊天樂

荔枝香近二

水龍吟

六醜

塞垣春

掃花游

夜飛鵲

滿庭芳

花犯

大酺

霜葉飛

法曲獻仙音

渡江雲

應天長

玉樓春五

傷情怨

品令

木蘭花

秋蕊香

菩薩蠻

玉團兒缺

醜奴兒

感皇恩

宴桃源二

月中行

漁家傲二

定風波

蝶戀花五

紅羅襖

少年游

四

還京樂

解連環

綺寮怨

玲瓏四犯

丹鳳吟

憶舊游

拜星月慢

倒犯

解語花

過秦樓

解蹀躞

蕙蘭芳引

六么令

紅林擒近

滿路花

氏州第一

尉遲杯

塞翁吟

繞佛閣

慶春宮

滿江紅

丁香結

三部樂

缺

西河

一寸金

瑞鶴仙

浪淘沙慢

西平樂慢

玉燭新

缺

南鄉子

望江南

二

浣溪沙

十

點絳脣

四

夜游宮

二

訴衷情

二

一落索

二

迎春樂

三

虞美人

五

醉桃源

二

鳳來朝

垂絲釣

芳草渡

琴調相思引

西麓繼周集

莆鄧澹室後人、陳允平 衡仲

瑞龍吟

長安路還是燕乳鶯嬌度簾遷樹層樓十二闌干繡簾
半捲相思處處漫凭竚因念彩雲初到瑣窗瓊戶梨
花猶怯春寒翠羞粉怨尊前解語空有章臺煙柳瘦
纖仍似宮腰飛舞憔悴暗覺文園雙鬢非故閒拈斷葉
重託殷勤句頻回首河橋素約津亭歸步恨逐芳塵去
眩醉眼盡游絲亂緒腸結愁千縷深院靜東風落紅如
雨畫屏夢繞一篝香絮

風流子

闌干休去倚長亭外煙草帶愁歸正曉陰簾幕綺羅清
潤西風環佩金玉參差深院悄亂蟬嘶夏木雙燕別春
泥滿地殘花蝶圓涼夢半亭落葉蛩感秋悲蘭屏餘
香在銷魂處憔悴瘦不勝衣誰念鳳樓當日星約雲期
悵倦理鸞箏朱絃空暗強臨鸞鏡錦帶閒垂別後兩峰
眉恨千里心知

又

殘夢繞林塘詩添瘦瘦不似東陽正流水蕩紅暗通幽
徑嫩篁翻翠斜映回牆對握寶箏低度曲銷蠟靚新簪
鶯嬾晝長燕閒人倦乍親花簾慵引壺觴簾櫳深深
地歌塵靜芳草自碧空廂十二畫橋一隄煙樹成行向

杜鵑聲裏綠楊庭院共尋紅豆同結丁香春已無多祇
愁風雨相妨

華胥引

涵空斜照掠水輕嵐滿天紅葉鴈泊平蕪鳬依亂荻聲
唼唼寂寞金井梧桐漸轉轡伊軋明月紗窗夜寒孤枕
應怯吟老西風笑衰髯頓疏如鑷錦牋勤重頻剔蘭
鐙自閱多謝征衫初寄尙寶香熏篋愁憶家山夢魂飛
度千疊

意難忘

額粉宮黃襯桃花扇底歌送瑤觴裙拖金縷細衫唾碧
花香瓊佩冷玉肌涼羅韞步滄浪漫共伊心盟意約眼

覩眉相連環未結雙雙似桃源誤入初嫁劉郎瓏璵
仙子髻綽約道家妝千種恨九回腸雲雨夢猶妨誤少
年紅銷翠減虛度風光

宴清都

聽徹南樓鼓寒宵迴玉壺冰漏遲度重溫錦幄低護青
氈曲通朱戶巡檐細嚼寒梅歎寂寞孤山伴侶更信有
鐵石心腸廣平幾度曾賦寒深試擁羊裘松醪自酌
誰伴吟苦摩挲醉眼闌干笑拍白鷗驚去梁園勝賞重
約漸玉樹瓊花處處怕柳條未覺春風青青在否

蘭陵王

古隄直隔水輕陰颺碧東風路還是舞煙眠露年年自

春色紅塵徧京國留滯高陽醉客斜陽外千縷翠條彷彿流鶯度金尺長亭半陳迹記曾繫征鞍頻護歌席
恩恩江上又寒食回首處應念舊曾攀折依然離恨徧
四驛倦游向南北惻惻怨懷積漸楚榭寒收隋苑春
寂眉顰不盡相思極想人在何處倚樓橫笛閒情似絮
更那聽夜雨滴

瑣窗寒

禁燭飛煙東風插柳萬家千戶梨花院落數點弄晴纖
雨傍鞦韆紅雲半溼畫簾燕子商春語數十年南北西
湖倦客曲江行旅日暮花深處對修竹彈棋戲評格
五攜尊共約詩酒雲明月侶念舊游九陌香塵倡條冶

葉還在否踏青歸醉宿蘭舟枕藉黃金俎

隔浦蓮近拍

鉛霜初褪鳳葆碧旆侵雲窈萬綠傷春遣林幽樂多禽
鳥斜陽隄畔草游魚鬧暗水流萍沼翠鈿小涼亭醉
倚接羅巾任敲倒月明庭樹夜半鵲飛驚曉隔岸蕢鄉
夢漸到吹覺一襟風露塵表

蘇幕遮

早梅芳

柳初妍花漸好可恨行期到落梅香盡澹月朦朧影微
照風簾銀燭暗露幕金花小縱離歌緩唱殘角又霜曉
瑣窗前秦吉了促上長安道揚鞭西去幾點稀星尙
雲表去程疑是夢宿酒昏情抱鳳樓空瓊簫聲漸杳

又

鳳釵橫鸞帶繞獨步鸞鴛沼闌干斜倚自打精神對花
笑貼衣瓊佩冷襯韞金蓮小捲香茵縹緲舞袖稱纖妙
夢初成歡未了明日青門道離雲別雨脈脈無情畫
堂曉柳邊驕馬去翠閣空凝眺漸春風綠愁江上草

四園竹

昏昏暝色亂葉擁雲扉渚蘭風潤庭桂露涼香動秋幃

獨向閒亭步月闌干瘦倚此情惟有天知縱如其黃
花時節歸來因循已誤心期欲寫相思寄與愁拂鸞牋
粉淚盈盈先滿紙正寂寞樓南鴈過稀

驀山溪

側犯

晚涼倦浴素妝薄試鉛華靚凝定似一朵芙蓉汎清鏡
輕紈笑自然撲蝶鴛鴦徑嬌嬾金鳳簪斜敲翠蟬影

冰肌玉骨襯體紅綃瑩還暗省記青青雙鬢舊潘令夢
想鸞箏後堂深靜何日西風碧梧金井

齊天樂

客愁都在斜陽外凭闌桂香吹晚亂葉蟬哀寒汀鷺泊
離緒并刀難剪牙屏半掩漸塵撲冰紉浪收雲簾露入
征衣滿襟秋思付詩卷還思前度問酒鳳樓人共倚
歸興無限鴈影亭皋蛩聲院落雙闕明河光轉田園夢
遠歎離菊初黃澗蕁堪薦拄笏西風四山煙翠斂

荔枝香近

杜宇聲聲頻喚春漸去暗碧柳色依依湖上迷青霧殘
香淨洗紅蘭昨夜朱鉛雨金泥帳底雙虬自沈乳天

際漸也。邇片帆南浦。一笑薔薇別後。酒杯慵舉。江上琵琶。莫遣東風誤。鸚鵡淚。擁通宵蠟炬。

又

臉霞香銷粉薄。淚偷泫。鬢金獸沈水微薰。入簾綠樹。春陰慘澹。紅英風捲。芳草怨。碧王孫。漸遠。錦屏夢回。恍覺雲雨散。玉瑟無心理。嬾醉瓊花宴。寶釵翠滑。一縷青絲爲君翦。別情誰更排遣。

水龍吟

曉鶯啼醒春愁。粉香獨步千紅地。庭閒散綺。林空翦雪。鷗鷺鶴避。妒月魂淒。行雲夢冷。溫柔鄉閉。漸黃昏院落。清明時候。東風裏。無情淚。織翠玲瓏。葉底倚闌人玉。

龍休吹殘妝微洗芳心微露昭陽睡起恨結連環舞停
雙佩水晶如意倩蜂媒聘取瓊花細與向尊前比

六醜

自清明過了漸柳底鶯梭慵擲萬紅御風飄飄如附翼
錦繡陳迹障地香塵暗亂蜂似雨漫台游南國蘭襟縹
緲辭湘澤馬蹟郊原燕泥巷陌傷春爲花深惜歎芳菲
薄倖容易疏隔庭閒人寂空餘芳草碧夢裏驚春去
如瞬息長安市上狂客爲桃源解佩醉濃歡極無心整
霧襟煙幘驚回處斷雨殘雲倦倚畫闌干側相思恨暗
度流沙更杜鵑院落黃昏近誰禁受得

塞垣春

草碧鋪橫野帶暝色歸鞍卸煙葭露葦滿汀鷗鷺人在
圖畫漸一聲鴈過南樓也更細雨時飄灑念徽容都銷
瘦漫將紈素描寫臨鏡理殘妝依然是京兆柔雅落
葉感秋聲啼螿歎涼夜對黃花共說憔悴相思夢頓醒
西窗下兩腕玉挑脫素纖慳半把

掃花游

蕙風颺暖漸草色分吳柳陰迷楚寸心似縷看窺簾燕
妥如花蝶舞翦翦愁紅萬點輕飄淚雨怕春去問杜宇
喚春歸去何處後期重細許倩落絮飛煙障春歸路
長亭別俎對歌塵舞地暗傷蠻素算得相思比舊傷春
又苦正凭竚聽斜陽斷橋簫鼓